

# Polasaí na Gaeilge

Gaelscoil Ros Eo

2010

## Réamhrá

Is bunscoil chomhoideachas, lán-Ghaeilge, Caitliceach í Gaelscoil Ros Eo a bhunaigh tuismitheoirí i 2008, faoi phátrúnacht an Fhorais Phátrúnachta, chun freastal ar an éileamh do bhunoideachas trí Ghaeilge sa cheantar áitiúil.

Cuireadh an polasaí seo le chéile le comhoibriú ó Mhúinteoirí, Coiste na dTuismitheoirí agus Bord Bainistíochta na scoile.

## Aidhmeanna

Is scoil lán-Ghaeilge í Gaelscoil Ros Eo ina bhfuil an Ghaeilge mar:

- Teanga na scoile,
- Teanga ghnó agus chumarsáide na scoile,
- Teanga theagaisc agus fhoghlama i ngach ábhar seachas Béarla,
- Teanga chaidrimh idir múinteoirí iad féin,
- Teanga chaidrimh idir foireann na scoile agus na daltaí,
- Teanga chaidrimh idir na daltaí i ngach eachtra scoile taobh istigh nó taobh amuigh den scoil.

Is é an tumoideachas an córas oideachais a chuirtear i bhfeidhm i nGaelscoil Ros Eo. Ciallaíonn sé seo go bhfuil na daltaí tumtha sa Ghaeilge óna gcéad lá ar scoil. Úsáidtear an Ghaeilge mar ghnáththeanga cumarsáide ón gcéad lá ar aghaidh. Ní mhúintear Béarla go dtí Téarma 2 i Naíonáon Mhóra.

Úsáidtear ainm Gaelach an pháiste i rolla na scoile. Má tá leaganacha éagsúla d'ainm an pháiste ar fáil pléifear seo le tuismitheoirí. Moltar do thuismitheoirí ainm Gaelach an pháiste a úsáid ar scoil chun aitheantas Gaelach a chothú don pháiste agus sainmheon na scoile a bhuanú.

Tá labhairt na Gaeilge mar chuid de chód iompair na scoile. Is trí mhealladh agus spreagadh an tslí is fearr chun an Ghaeilge a chur chun cinn - mealladh, moladh, duaiseanna, am spraoi breise srl.

Ar mholadh ár bpátrún, Foras Pátrúnachta na Scoileanna Lán-Ghaelacha, reachtálfar gnó an Bhoird Bhainistíochta trí mhéan na Gaeilge chomh mór agus is féidir. Déanfar cumarsáid le heagrachtaí stáit trí mheán na Gaeilge chomh mór agus is féidir.

Labhairt na Gaeilge

Aidhmeanna

- Cumas éisteachta agus labhartha an pháiste a fhorbairt,
- Cumas léitheoireachta agus scríbhneoireachta an pháiste a fhorbairt,
- Cumas an pháiste an Ghaeilge a úsáid mar ghnáth-theanga chumarsáide a chothú is a fhorbairt,
- Muinín an pháiste chun an Ghaeilge a úsáid a chothú chun go mbeidh siad bródúil aisti,
- Taitneamh a bhaint as foghlaim trí mhéan na Gaeilge,
- Cur le líofacht, le cruinneas foghraíochta agus le saibhreas teanga an pháiste.

## Rólanna agus Freagrachtaí

### Na Páistí

Foghlaimítear an teanga trí cheol, spraoi, geaitsíocht, spóirt, drámaíocht agus rannta. Mealltar na páistí chun Gaeilge a labhairt agus a bheith bródúil as an dteanga. Moltar iarrachtaí na bpáistí trí aitheantas a thabairt dóibh i bhfoirmeacha éagsúla, ina measc:

- Gaeilgeoirí na Seachtaine,
- Gaeilgeoirí na Bliana,
- Duaiseanna ón mála duaiseanna,
- Duaiseanna speisialta,
- Pasanna Obair Bhaile.

Spreagtar na páistí chun an teanga a úsáid i dtimpeallachtaí eile seachas timpeallacht na scoile nó gníomhaíochta scoile.

- Eatarthu féin sa bhaile,
- Le gaolta a bhfuil Gaeilge acu,
- Úsáid a bhaint as na méan-cumarsáide Gaelach agus TFC,
- Leabhair Ghaeilge a léamh.

### Na Tuismitheoirí

Moltar do tuismitheoirí/caomhnóirí an Ghaeilge a labhairt ar láthair na scoile agus go háirithe nuair atá said istigh san fhoirgneamh agus moltar dóibh an Ghaeilge a tharraingt isteach i saol baile a gcuid páistí nuair a fhaigheann siad deis air.

Chun cabhrú le tuismitheoirí:

- Cuirfear stór focal ar fáil do thuismitheoirí gur féidir úsáid leis na páistí,
- Cuirfear ranganna Gaeilge ar fáil, nuair is féidir.

### Riail na Gaeilge

Déanann Gaelscoil Ros Eo gach iarracht an caighdeán oideachais is airde a thabhairt do na páistí trí mhéan na Gaeilge. Is gá do na páistí go léir tuiscint go bhfuil iallach orthu an Ghaeilge a labhairt i gcónaí. Moltar na páistí as ucht na n-iarrachtaí a dhéanann siad chun an Ghaeilge a labhairt ach muna labhraíonn páiste an Ghaeilge go rialta, usáidfear na straitéisí iniata sa Chód Iompair chun léiriú dóibh go bhfuil Riail na Gaeilge i bhfeidhm sa scoil seo – sé sin go bhfuil sé mar riail againn an Ghaeilge amháin a úsáid mar theanga chumarsáide sa scoil, sa rang nó ag aon eachtra scoile.

### Critéir Ráthúlachta

- Fás in úsáid na teanga sa rang, sa scoil nó ag aon eactra scoile,
- Fás i ndearfacht na bpáistí i leith an teanga,
- Fás i gcumas na bpáistí chun tairbhe a bhaint as an gcuracalam trí Ghaeilge.

### Clár ama Athbhreithnithe

Déanfar athbhreithniú ar an bpolasaí seo go rialta amach anseo, mar is cuí.

### Daingniú

Daingnithe ag an mBord Bainistíochta ar an .